



**DETAMINESEN 14 blong 2017 – DETAMINESEN LONG ENTAETOLMEN BLONG WAN MEMBA  
BLONG MALVATUMAURI KAONSEL BLONG OLGETA JIF MO PRESIDEN BLONG  
MALVATUMAURI KAONSEL BLONG OLGETA JIF**

Detaminesen ia i tokbaot entaetolmen mo olgeta narafala isiu long saed blong olgeta memba blong Malvatumauri Kaonsel blong olgeta Jif. Insaed long hem i gat:

**OLGETA SEKSEN INSAED LONG PEPA IA:**

PAT 1 – BIGFALA LUKLUK.....2

PAT 2 – ALAOENS BLONG RISPONSIBILITI.....2

PAT 3 – ALAOENS BLONG KONSALTESEN.....2

PAT 4 – ENTAETOLMEN BLONG AKOMODESEN.....3

PAT 5 – OLGETA ENTAETOLMEN BLONG PRESIDEN BLONG MALVATUMAURI  
KAONSEL BLONG OLGETA JIF.....3

PAT 6 – OLGETA ISIU WE I GO WETEM.....4

Level		STAFKIA BLONG ALAOENS	
Maximum	Minimum	Grade	Position
1,482,500	1,362,100	MC1	Member of Council
1,424,800	1,304,400	MC2	Member of Council
1,367,100	1,246,700	MC3	Member of Council

## PART 1 – BIGFALA LUKLUK

### 1.1 Paoa:

1.1.1 Detaminesen ia oli givimaot folem seksen 13 (1) blong Gavman Remuneresen Traebunol Akt blong 1998 (JAPTA 250).

1.1.2 Traebunol i save givimaot olgeta not blong gaedens long olgeta taem we hemi nid blong givim blong helpem olgeta Employing bodi long saed blong administresen blong Detaminesen ia.

### 1.2 Hemi aplae long huia:

1.2.1 Detaminesen ia hemi aplae long olgeta Memba blong Malvatumauri Kaonsel blong olget Jif nomo.

1.2.2 Folem Detaminesen ia, Kaonsel i minim Malvatumauri Kaonsel blong olgeta Jif.

### 1.3 Deit we i stat :

1.3.1 Detaminesen ia bambae hemi stat blong aplae long namba 1 Januari 2018.

1.3.2 Taem Detaminesen i stat, bambae hemi tekem ples mo kanselem eni desisen we oli bin mekem festaem long olgeta entaetolmen blong olgeta Memba blong Kaonsel mo Presiden blong Kaonsel.

## PAT 2 – ALAOENS BLONG RISPONSIBILITI

2.1 Wan Memba blong Kaonsel hemi entaetol long wan Anuol Risponsibiliti aloens olsem we oli talem long tebol daon ia:

STRAKJA BLONG ALAOENS		Level		
		Minimam	Medel	Maksimam
Posisen	Band	1	2	3
Memba blong Kaonsel	MCC 1	1,345,100	1,434,600	1,482,500

2.2 Folem seksen 2.1 blong Detaminesen ia, bambae Minista we i risponsibol long Kalja i save mekem adjasmen ia mo sipos Gavman i gat faenans blong pem.

2.3 Amaon we oli talem long seksen 2.1 blong detaminesen ia bambae hemi fomem beis blong kalkulesen kontribusen blong Providen Fand mo Severens Pei blong wan Memba blong Kaonsel.

## PAT 3 – ALAOENS BLONG KONSALTESEN

3.1 Wan Memba blong Kaonsel i shud karem wan alaoens blong Konsaltesen long wan amaon we i no ova long Vt 1,500,000 long wan yia.

3.2 Folem seksen 3.1 blong Detaminesen ia, amaon we oli talem bambae i folem nomo desisen blong Minista we i risponsibol long Kalja mo folem faenans blong Gavman blong pem.

**PAT4 – ENTAETOLMEN BLONG AKOMODESEN**

4.1 Wan Memba blong Kaonsel hemi entaetol blong rentem wan apatmen we hemi save pem taem hemi atendem wan miting blong Kaonsel o wan miting blong wan Komiti blong Kaonsel.

4.2 Long taem we Sekreteri blong Kaonsel i no save pem akomodesen blong Memba blong Kaonsel, olgeta memba oli karem wan alaoens we i no ova long 7,500VT long wan dei.

4.3 Presiden blong Kaonsel hemi no stap long entaetolmen ia.

**PAT 5 – OLGETA ENTAETOLMEN BLONG PRESIDEN BLONG MALVATUMAURI KAONSEL BLONG OLGETA JIF**

**5.1.1 Salari long Wan Yia**

Strakja daon ia hemi soemaot Salari blong Wan Yia we Presiden blong Kaonsel hemi entaetol long hem:

STRAKJA BLONG SALARI		Level		
		Minimam	Medel	Maksimam
Posisen	Band	1	2	3
Presiden blong Kaonsel	PC 1	3,968,600	4,206,700	4,444,800


5.1.2 Folem seksen 5.1.1 blong Detaminesen ia, bambae Minista we i risponsibol long Kalja hemi mekem adjasmen blong salari blong Presiden, mo sipos Gavman i gat faenans blong pem.

5.1.3 Sapos wan Memba blong Kaonsel hemi akting Presiden blong Kaonsel bambae oli pem salari blong hem olsem blong Presiden blong Kaonsel.

**5.2 Haos blong Gavman**

5.2.1 Presiden blong Kaonsel hemi gat raet blong stap insaed long wan ful Gavman haos, wetem evri fasiliti we Gavman hemi pem.

5.2.2 Folem seksen 5.2.1, sipos i nogat wan ful Gavman haos i stap bambae Gavman hemi risponsibol blong wan rent haos blong man we hemi tekemap posisen olsem Presiden blong Kaonsel, we haos ia bambae hemi semak standed olsem wan ful Gavman haos, mo rentol fi we Gavman bambae hemi pem i no ova long Vt 80,000 long wan manis, hemia wetem taks blong rent.



5.3 Trak blong Gavman

Presiden blong Kaonsel i gat raet blong gat wan Gavman trak; mo Gavman i risponsibol blong pem sevis mo mentenens blong trak ia.

5.4 Entaetolmen blong olgeta Lida olsem we i stap insaed long Leader's Entitlement Act

5.4.1 Alaoens blong olgeta Foma Lida: Alaoens blong olgeta foma Lida ia hemi shud stap long 40% blong salari blong Presiden blong Kaonsel we i stap naoia mo long taem we wan foma lida i ded; waef blong lida we i ded ia i shud risivim 16% blong salari blong Presiden blong Kaonsel we i stap naoia.

5.4.2 Peimen blong olgeta Foma Lida: bambae peimen blong olgeta foma Lida hemi semak long tri (3) manis salari mo bambae oli pem wantaem nomo i go long foma Lida ia.

5.4.3 Peimen taem wan Lida i ded: Taem wan lida i ded peimen i go long waef blong hem i shud semak long 3 manis salari long foma Lida ia mo bambae oli pem wantaem nomo.

5.4.4 Folem seksen ia, mo folem Leader's Entitlement Act, taem oli talem wan foma Lida hemia oli minim wan foma Presiden blong Malvatumauri Kaonsel blong olgeta Jif.

**PAT6 – OLGETA ISIU WE I WETEM**

6.1 Afta we Gavman hemi konsaltem Ofis we i risponsibol long olgeta bisnis blong Malvatumauri Kaonsel blong olgeta Jif, bambae hem hemi risponsibol blong pem olgeta entaetolmen ia.

6.2 Olgeta benefit entaetolmen: Stat long namba 1 Januari 2018, wan Memba blong Palemen bambae hemi no moa entaetol long olgeta benefit entaetolmen ia: Pikinini, Famili o Spaos alaoens, Living alaoens, Entatenmen alaoens, Fiul alaoens, Haosing alaoens, mo Telefon alaoens.

*Oli Saenem long namba 17 dei blong Novemba, 2017.*



Marie Antoinette Nava  
Jeaman



Chris Kernot  
Memba



Roan Lester

Memba